



Tel: 035/668 650

Fax: 035/668 672

Broj: 02-23-1272-1/18

Čelić, 05.02.2019. godine

A. Izetbegovića 60-2. 75246 Čelić

E-mail: opcelic@gmail.com

Na osnovu člana 17. stav (1), člana 18. stav (1) i člana 90. Zakona o javnim nabavkama Bosne i Hercegovine („Službeni glasnik BiH“ broj: 39/14), člana 2. stav (3) Pravilnika o postupku direktnog sporazuma („Službeni glasnik BiH“, broj: 90/14) člana 2. stav (3) Pravilnika o postupku direktnog sporazuma Općine Čelić broj: 02-49-1090/14 od 09.05.2016.godine i člana 39. Statuta Općine Čelić („Službeni glasnik Općine Čelić“ broj: 3/2017), a na Zahtjev Službe za inspeksijske poslove, Načelnik općine Čelić, donosi:

POSEBNU ODLUKU o pokretanju postupka javne nabavke

Član 1.

Ugovorni organ Općina Čelić, u skladu sa ukazanom potrebom, pokreće postupak javne nabavke usluge revizije Projekta primjene mjera energetske efikasnosti na javnoj rasvjeti općine Čelić.

Član 2.

Procijenjena vrijednost javne nabavke iz člana 1. ove Odluke iznosi 490,20 KM bez PDV-a.

Član 3.

Novčana sredstva za nabavku usluge iz člana 1. ove Odluke, osiguravaju se iz Budžeta općine za 2019.godinu, sa konta broj 821 521.

Član 4.

Nabavka usluge iz člana 1. ove Odluke provest će se putem direktnog sporazuma iz člana 90. Zakona o javnim nabavkama BiH.

Član 5.

Kriterij za dodjelu ugovora je najniža cijena.

Član 6.

Odluka stupa na snagu danom donošenja i objavit će se na općinskoj web stranici.

Obrazloženje

Dana 04.02.2019. godine zaprimljen je Zahtjev za pokretanje postupka javne nabavke broj: 02-23-1272-1/18, podnesen od strane Službe za inspeksijske poslove općine Čelić, u kome se navodi da je potrebno pokrenuti postupak javne nabavke usluge revizije Projekta primjene mjera energetske efikasnosti na javnoj rasvjeti općine Čelić u što kraćem roku iz razloga hitnosti dostavljanja izvještaja Davaocu sredstava – Fondu za zaštitu okoliša FBiH.

Posebna Odluka o pokretanju postupka javne nabavke se donosi na osnovu člana 17. stav (1) Zakona o javnim nabavkama Bosne i Hercegovine („Službeni glasnik BiH“ broj: 39/14), kojim je propisano da Ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke. Budući da još uvijek nije usvojen Plan nabavki općine Čelić za 2019. godinu, a zbog pokretanja i trajanja procedure javne nabavke, nužno je donijeti Posebnu odluku o pokretanju postupka javne nabavke.

Imajući u vidu naprijed navedeno, odlučeno je kao u dispozitivu.

Dostavljeno :

1. Službi za inspeksijske poslove
2. Za općinsku web stranicu
3. Evidenciji
4. a/a



OPĆINSKI NAČELNIK

Sead Muminović